

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.44 28th Oct., 2012

Kumpuan atan Ram leh Hnam humhalh pawm a ni

Chanmari West, 28th Oct: Ni 23-25, October 2012 hmang hian YMA General Conference chu Kawrtethawveng khuaah hlim takin hman a ni a, rorel pawh tluang taka zawk fel a ni. Kumpuan atan hian Ram leh Hnam humhalh pawm leh a ni. Chanmari West Branch YMA chuan member kal kan tam theih nan kal man chawi ngai lo turin ruahmanna a siam a, chuti chung chuan Mi 7 chauh an kal thei a, kal nan hian Pu RL. Thahnuna leh Pu RK. Rozidingate chuan phal takin an motor an thawh a ni.

He Conference-ah hian palai mi 4039 (Riak 2937 + lang 1102) an kal a, Serhmun branch chu member 435-ah 127(29.1%) an kal a, kal tha ber an ni. Member boral mi 606 sunna hun hman nghal a ni. Rorel palai 758 an ni a, an rorel thenkhat te : YMA khawih 1. Mizo mipuite inpumkhatna tichhe thei zawng leh Mizoram thendarh zawnga chibing hmalakna reng reng tihtawp a nihi theih nan YMA in hma la rawh se. 2. Ram pum huap faina beihpui tlak turin Central YMA in hma la rawh se. 3. Sawrkar atanga development work veng/khua tana lo kal thin hi, tha leh rotling zawka thawh a nihi theih nan YMA in hma la rawh se. 4. Mizorama piang ni lo, foriegner-te birth certificate pek an nihi loh nan hmalak ni rawh se. 5. Human trafficking dona kawnga kan chak zawk theih nan YMA in hma la rawh se. 6. Electoral roll dik leh felfai tak kan neih theih nan YMA in dik leh uar zawka hmalak ni rawh se. Sawrkar

khawih lam 1. Mizoram chhunga quarry awmte hi mihring tan an hlauhawm loh nan YMA in a tul angin hma la rawh se. 2. aizawl khawpui laili, Assam Rifle chhuahsan tur ram hi mimal hnena pe lo tur leh pek tawh sa pawh cancelled turin leh tangkai taka hman a nihi theih nan humhalh turin sawrkar ngen ni rawh se. 3. Branch YMA tinin area-a motor kawngpui kamah uar zawka thingphun nise, tin, kawngpui kam, mimalin an neih thin hi sawrkar dan dinglai ang areserved a nihi zel theih nan sawrkarah thlen ni rawh se. 4. Tribal Certificete pek chhuah chungchangah YMA te hriatpuina a tel theih nan sawrkarah thlen ni rawh se tih te a ni. Kumpuan pual atan member tinah Rs 3 zel khawn leh tum a ni a, Budgetah Rs 83,66,352 pawm a ni. Palai tlak zanah hian Lungdai mi hnamdang kuta thi Pi Lalawmpuii tawrhpu leh tanpui nan thawhlawm khawn a ni a, Rs 42,827 hmuh a ni. Nakum Conferece chu Khawbungah nghah a ni ang.



Conference kalte

Pu Muantea, Padinga, Tv. Zaia, Pu Ngura, Pa Thuama, Pu Hnuna, Pu Valtea

Branch News

1 Ni 23-25.10.2012 chhunga 67th YMA General Conference Kawrte-thawveng a neihah kan Branch YMA atangin mi 7 kal a ni a, kalna atana motor thawhpu Pu RL. Thahnuna, Secretary leh Pu RK Rozidinga, Branch Executive member te hnenah lawmthu sawi a ni.

2 Kan Branch atanga Conference a kalte hman atan Pu Lalchhanhima (Puia) Branch Executive Member chuan Rs 500 a pai a, a chungah lawmthu sawi a ni

3 In luah tur neiten pem lehkha ngai pawimawh lova, in luah tir kan la awm reng chu a pawi hle a, vanduai thil a pem lehkha nei lo ten chhiat an lo tawk a nihi chuan YMAhming chuan buaipui theih an ni dawn lo.

4 Branch Executive member Nl. Lalramengi leh Dr. Lalramlianate chu KTP intlawhtawnin Lunglei lamah an kal a, dam taka an lo haw leh an beisei.

5 Kan Branch atanga Conference palaita tan 25.10.2012 tlai khan Pi Lalsiamliani (Kawrtethawveng) m/o Pu Lalramzauha 'CH' Section chuan zanriah a buatsaik sak a, a chungah an lawm hle.

PEM CHHUAK

Tv C.Lalengmawia chu Pu R.Pakunga 'T' Section te In atangin Zotlangah a pem.

PEM LUT

Tv VT Asi te unau chu Zawngling khua atangin Pu VL Chhunga 'T' Section te Inah an rawn pem.

KEIMAHN

6 Tv. Mangheta chu Lunglei lamah a zin a, nimin khan a lo haw leh ta.

7 Taitesena Section Leader Pu RK. Rozidinga chuan thingpui bawlholo min rawn tum sak a, kan va lawm em.

8 **TUNKAR CHANGVAWN**
Sual man chu thihna a ni si a, Pathian thil thlawn pek erawh chu kan Lalpa Krista Isua zarah chuan chatuan nunna a ni.

Rom 6:23

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinngetha	9862358337
	Jacob Lalrinsanga	9612319779
Cir. Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalhmachhuana	9436151817

Article :

Editorial :

YMA General Conference a tiak ta, kan branch atang kan kal tlem zia ngaihtuah hian hmasawn kan ngaihzia a lang hle. Chutih rualin a khua hrim hrim hian min hip tawk lo pawh an i mai thei e, eng pawh lo ni se, rorel thu bawhzui tha nih a pawimawh khawp mai.

Hruaitu hlun chawimawi phu leh chawimawi kan nei leh a, a ropui khawp mai. Kum sawm emaw sawm panga emaw branch OB nih theih hi inpek a ngai tak zet a, hrisel pawh ngai tak a ni, lawmthu Pathian hnena sawi mawlh mawlh tur a ni.

Masi rim a nam leh tan a, sual a thangharh bawk a, YMA te kan duty leh ngei a ngai a ni. Kan veng awmna nuam deuhah hian zu rui leh insual thawm awm lo tura kan tan tlan a ngai khawp mai. An nu leh paten an thunun theih loh YMA ten min hua ang tih hlau tak chungin ven kan tum thin si a, a buaithlakin, a harsa hle a ni.

Thu chhuah tur van tuma Pu Chhuanawmate kan nei hi a vanneih thlak, amah lo pawh hetiang hi mi pali panga kan la nei a, lawmawm tak a ni. YMAAW chungchang hre ber tur zing a mi a ni a, hahpui ber pawl a ni bawk ang. Tun tum chu thu chhuah tur neuh neuh a tam a, SMS pawh kan dawng nual na a, kan chhuah tam vak thei lo.

2012 Thuvawn

I awmdan tur chu LALPA chungah nghat la; Amah chu ring la, aman a ti vek ang.

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

YMA AW, AW, YMA AW (Part -I)*R. Lalchhuanawma*

Chanmari West Branch YMA committee meeting hmasa ber chu Pu Lianchhuna Branch President hmasa berte Inah thukhawm in "Kan Br. YMA hian kartin chhuak chanchinbu i buatsah ve ang u" tiin a thuphunga passed a ni phawt a, a hming tur sawikhawm laih laih hnuah Pu Lalthuamluaia rawt "YMA AW" tih chu lungrial taka pawm tlan a ni ta. Khatia hruaituten ka ko a an nghah miau si chuan YMA AW kan han buaipui ta poh a. Prison Office-a Cyclostyle an hman hlui Pu Lianchhuna'n man tlawm deuh zawka lei tur a hmu remchang bawk nen YMA AW her nan kan hmang ta a nih kha. Pu Lalrengpuia Sailo Inhnuaiah khian YMA AW kan buatsah thin a, Pu Saihnuna Sailo hi Jt Editor a ni a, an indan hmain. Zankhat chu - kha tih lai a kan Br. YMA Secretary (hmasa ber) Pu Lalramzauvan tlawmngai min rawn pui a. Stencil phek khatna kan her zo tep, khawl a nuar, a sak ta tlat mai. A ni'n khawimaw tih pahin a'n her sawk mai chu kan ip chawih chawih mai, Stencil a thler vek, a bul atangin zungchal ngatin Typewriter-ah kan chhu leh ta tlauh tlauh mai. Khatih lai khan mizo chhiara phek khat chauh ala ni hlauh zawk a.

YMA AW buaipui lai ngaihtuah hi chuan khatih laia Tv. Ruata Hnamte (tuna chhangchhe pa) leh a Uipui Te-i mitthlaah a lang reng mai, Tv Ruata hah thin zia kha aw. Cyclostyle a chhe ngun si, a thar leina kan la nei zo si lo, thimhlimah a Ink in tih kai hlauin kan ti ve der der a, zan dar 10:00 a rik meuh chuan bal tak kan ni ziah. Nupui a la nei si lo, Stencil Ink chhuat a kai ngiae nguai leh lehkhapuan Ink kai dum niau nuau te kha kan hawsan hnuah amahin a thianfai thin anih kha; Ruata kha ka khawngaih leh hnuhnawh ngawt mai. Mak angreng deuh mai chu: awm mai mai hi chuan Zirtawp zan hi karkhatah vawikhat chauh a thleng thin a, YMA AW buatsah hi chuan Zirtawp zan hi zu thleng ngun riau zel a.

James-a huang hi a awm ta lova, kha huang kha kan va hmang tangkai thin tak e aw, duh duh sawiselna huang a ni ber mai. Amah Tv James Lalchhuanthanga lah Social Welfare Deptt buatsah tar Chawmna "Old Aged Home" ah a awm a ngai ta tlat mai si, eng emaw lai khan kan zu kan a, mi pawh a hre mumal tawh lo, a khawngaihthlak asin aw. YMA AW copy sem turte kha a duham thin asin mawle, veng pawn lama kan chanchin thehdarhtu tha tak anih thin vein en. James-a huangah khan tu tu emaw huat zawng kan sawi teuh ta ve ang, ka ngaihtuah kirin. YMA AW hmanga an rilru kan tihnat zawng zawngte hnenah YMA AW kaltlang vek hian ngaihdam kan dil e.

Letter to Editor te kha kan dawng maksak thin asin! sawichhuah vek ngam chi

ziazang a ni lo, a ngaihnawm zual hre duh chuan Pu Ramus-a zawt mai rawh u.

Kum 2004 a rawn inherchhuah meuh chuan YMA AW buatsah na'n Computer-te hial kan lo hmang ve ta reng mai, mang lamah pawh kan hmuh phak loh. Khawl changkang kan hman chinah chuan thiltih a lo awlsam ta, Computer Operator Sawmdawnga hmelchhe lutuk mitthlaah alo lang mai pawh a. YMA AW Helicopter, Ma Sangte-a a rawn inherchhuak zet hi chu malsawmna a tling takzet, ani aia hna tlin hi khawvel ramzaauh hian yma member an awm chuang lo vang. Ma Sangte-a leh YMA AW vul zel rawh se.

Lawmthu sawina

Ka pa Dardailova Ni 20.10.2012 (Inrinni) a min boral san chungchangah kan veng YMA ten kuang mawi tak min siam sak vang leh Kohhran leh veng chhung nu leh pa ten min tawngtai leh buaipuinaah kan lawm takzet a ni. Pathianin a let tam takin malsawmnain vur che u rawh se.

In Khawngaihna dawngtu
Pi Thangchuailovite chhung, 'T' Sect

Ka fapa, Lalsangkima damlohma avanga Civil Hospital-a awm mek Chanmari West Branch YMA member-te'n a dam theih nana thisen hlu tak Unit 20 lai mai min rawn pe hi keini chhungkua chuan thinlung takin lawmthu kan sawi a. In thisen hlu takin senna hi Lalpa'n a let tam takin Malsawm che u rawh se.

In khawngaihna dawngtu
Lianmawii leh a fate K-Section

VANAPA

➤ Pu Lalramchhana (RC-a) ten fapa duhawm tak an nei chu an lawmpui hle.
➤ Ni 24.10.12 (nilaini) khan V-Section Sport an nei a, memberte an hlim tlang hle.

Section Sport Report:

a) Section chhunga memberte Group 4-ah an in then a, 1) Awke 2) Monkey balls 3) Chhimthlipui 4) Chhimtaivang Group te an ni. 100m Race Mipaah Zonunthara pakhatna, Hmeichhiaah Zothanpuii Hnamte a ni, Shot put leh Discuss Throw-ah Zonunthara leh Cross Country Race-ah Reuben Lalhmingmawia ten Pakhatna an ni.
b) YMA chhangte pawh group hniih Zawhte Group leh Predator Group-ah an inthen a. 100m Race Mipaah Laltanpua pakhatna, Hmeichhiaah Lalchhanchhuah a ni, Cross Country Race-ah mi 26 tlanin Lalbiakmawia chu pakhatna a ni. Tug of War (Mipa) ah Predator Group niin Hmeichhiaah Zawhte group an ni ve thung a ni. Throwball (Mixed) ah predator group leh Football Mipaah Zawhte group chu pakhatna an ni.

➤ Ni 3.10.12 hian Indoor Stadium ah Sport hi chhunzawm leh tur a ni a, heng hmang hian inel tur a ni ang.

1) Volleyball 2) Musical Chair 3) Kawikah 4) Chinese Checker 5) Carrom Board 6) Sack race (YMA Chhang tan). Memberte kal theuh turin an innge.

TAITESENA

➤ Sumtuaknan Balu leh Rora thiara inhlawnha siamsaktu Pi Khelzikite chhungkaw chungah lawmthu an sawi a, sumtuak hnatlanga thawkchhuakte chungah lawmthu an sawi.

➤ Section chhungah zunin siamna tur hmun Pu H. Thangdailova'n a pe chu an lawm hle a, a rang lama siam tum mek a ni.

➤ Section chhunga zuninte a chung siam tura hmalak mek a ni.

➤ November Ni 15 zan hian an section chhung a Nu leh Pa te nen khawtlang nun siamthat chungchang tih thupui hmang a inkawmho tum a ni.

➤ An Section chhunga damlo Pu Ngurtluanga leh Pu Khiangthuamate chu an dam leh thuai an duh sak hle.

➤ An leader conference a kal pawh dam takin a lo haw leh ta.

➤ An hruaitu Pu C. Lalrosiama, Mamit lama zin mek chu dam taka a lo haw leh ngei an beisei.

➤ An hruaitu Ni. PC. Lalrindiki ke na

an zai pawh a dam leh thuai an beisei.
➤ Kum tawpah hian rokhawlha dang a awm loh chuan Section intihhlimna ropui taka buatsaih tum a ni.

CHAWNGBAWLA

➤ Ni 23.10.2012 (Thawhleh) zan khan Pu Chungeate inah an meeting a, Section Project leh thil tul tam tak an rel.

➤ Memberte intihhlimna tur leh intuaithar nan kum tluanin Section Project hi kalpui a ni a, hun hmasa lamah football a inelna leh YMA chhang tan drawing competition hlawhtling takin an lo buatsaih tawh a ni. Tun tumah hian "Pu Chunga Essay Competition" an buatsaih leh dawn a, thupuiah "CHANMARI WEST HMATHLIR" (YMA lam atangin) tih hmangin member a duh apiang tan ziah theih a ni. A sei zawng hi thumal 1000 bawr vel tur a ni a, Ni 25.10.2012 aia tlai lovah Section Secretary hnenah theh luh tur a ni ang. Lawmmahan pakhatnain Rs 2000, pahninhain Rs 1000 leh pathumnain Rs 500 a ni ang a, consolation prize sem tum a ni bawk. He Essay Competitionah hian memberte tel vek turin an insawm.

➤ Ni 13.10.2012 khian member leh YMA chhangte tan Football a intihhlimna buatsaih tum a ni a, ahmun atang High School Field beisei a ni.

➤ Section Project hi Ni 13.12.2012 zanah YMA Park-ah a kharna hman tuma ni a, hetah hian House tin inelna tur solo leh Beat Contest tura ruahman a ni a, Sound system changtlung tak nen he hun hi hman tum a ni a, veng dang zaithiam sawm tum a ni bawk. Solo Competition bikah hian house tin atangin mipa pakhat leh hmeichhia pakhat tel tur a ni a, beat group pakhat theuh tel tur a ni bawk. House leaderten a tel terte hi lo zawn lawk tur a ni e.

➤ Pu R. Rokimaten Section thutthleng siam nan Rs 20000 an pe a, hemi hmang hian Nimin khan thutthleng siamin an hnatlang. Pu C. Lalramdinate chhungin an pa hriatreh nan Rs 5000 an pek hmangin Dekchi lian tak an lei bawk, mi thil phal mi inpete chungah lawmthu an sawi.

➤ Section huamchhungah Krismas Carol hman tum a ni a, a hun atan Ni 19.12.2012 zan an ruat chhin a, Carolnaa sum an hmuh hi Section chhung damlo leh mi harsate pual atan a ni.

➤ Section budget Rs 5000 chu an tlak fel ta.

NEUVA

➤ Ni 25.10. 2012 zan khan Section Committee meeting vawi 8-na an thu a, Section hmalakna tur an rel.

➤ Ni 28.11. 2012 (chawlhni) tlai dar 3:00 hian Section huamchhunga rawn pem thar te tlawhchhuah tur a ni a, Section hruaitute Pasaltha Neuva inngahhakhawm tur a ni, kim taka kal theuh turin an innge.

➤ Kum 2012 chhung atana an section Project hrang hrangte an ti hlawhtling thei chu Committee chuan lawmawm a ti hle a, Ni 27.10. 2012 (inrinni) nileng khan Section thutthleng rawng kap tha a hnatlang a ni a, hnatlanga thawk chhuakte chungah lawmthu an sawi.

➤ Ni 7. 11. 2012 khian Sumtuak nan Section huamchhungah Sangha zawrh tum a ni a, chhingtinte tlawmngaih chhuah a lo leisak theuh turin an innge, Tin, Section hruaituten mahni bial theuhah sangha lei duh tur hi zawng in ni 4.11.2012 ral hmain Secretary hnenah list thehluh tur a ni.

➤ Sairang road-a motor silna leh workshop neituten mihring kalna dal a motor dahtir lo turin an innge.

➤ Section huamchhung a mi Pu Lalhansanga Singson tuna Manipur-a damlohma avanga awm mek chu ni 28. 10. 2012 (Sunday) tlai hian Section hming in an chenna inah kan tum a ni a, hruaitute kim taka kal turin an in hriattir in an innge bawk e.

➤ Section chhunga house number leh name plate nei lote siam mek zel a ni a, hmaihpahl kan awm a nih chuan hruaitute hnenah report theih reng a ni.

➤ Section Property atan No bawm Box 10 leithar a ni a, Tlawm taka No bawm siamsaktu Pu K. Lalremruata chungah Section Committee chuan lawmthu a sawi.

➤ Pi Lalchhuanmawii Durtlang damdawiin awm mek chu a dam leh thuai an duhsak hle.

KHUANGCHERA

➤ Ni 22.10.2012 (Thawtanni) zan khan Section meeting a ni a, thu pawimawh tak tak rel a ni.

➤ Ni 24.10.2012 (Nilaini) khan Section buk (YMA RUN) varanda chhuat chhunna tur siamin an hnatlang a. Hnatlanga thawkchhuak zawng zawng chungah lawmthu an sawi.

➤ An hruaitu pawimawh Pu Lalhluama (Muantea), YMA General Conference hmanga Kawrtethawveng akal chu tluang takin a lo haw leh ta.

HRUAITU HLUN CHAWIMAWINA DAWNG

Kan Branch YMA Secretary Pu R.L.Thanhnuna chuan Kum 15 chhung Branch Office Bearer nihna a lo chelh tawh avangin, YMA General Conference Kawrtethawveng a neihah Central YMA atangin hruaitu hlun chawimawina a dawng. Ti hian kan Branch din tirk atangin kan hruaitute zingah hruaitu hlun chawimawina dawng mi 4 kan nei tawh a ni. Pu Hnuna hian kan Branch YMA ah heng post hi a lo chelh tawh te a ni.

Secretary : 1996 - 2002, 2005, 2010 - 2012. (Kum 11 chhung)
Asst.Secretary : 1994, 1995, 2008, 2009. (Kum 4 chhung)



President kut atangin chawimawina

VOLLEYBALL MANAGING BOARD

• Ni 20 - 24, 11. 2012 hian First Division Super League, MVA Indoor Stadium, Tuikualah a awm dawn a. Practice chungchang sawi ho turin First Division Players-te Chawhma inkawmbanah Pu C. Lalthanzualate inah kal khawm vek tur a ni.
• Thlalehah khian ADVA winter tournament, 2nd Division tan a awm dawn a, 2nd Division players-te practice chhunzawm zel turin an inchah.

Pu Chunga Essay Competition

Chawngbawla Section chuan
Pu Chunga Essay Competition
member pual tan a buatsaih a, ziak
turin member zawng zawng a sawm
e. Thupui "Chanmari West
Hmathlir" (YMA) alam atangin). Asei
zawng : Thumal sangkhat vel. Ni
25.11.2012 thleng Copy thum
siamin Chawngbawla Section
Secretary hnenah thehluh theih a ni.
Lawmmman : 1st prize - Rs 2000.
2nd - Rs 1000, 3rd - Rs 500 leh
Consolation a awm ang.

ZOFA NEWS

- Ni 26.10.12 (Zirtawp) khan Songs and Drama Programme Lungleia neih a ni a, he hunah hian member 12 an kal.
- Ni 27.10.12 (inrinni) khan Gov't High School Field-ah Art & Culture Affiliated Club te tan a hnam lam intihsiaknah tel ve a ni.
- Ni 30.10.12 (thawhlehni) hian Guwahati-ah DDK a hnam lam entir tura kal turin an inbuatsaih mek.

YMA Conf. thunawi leh hlimthla

"Dan lova lo lut foreigner a lo piang thar a nih chuan dan dik lovin Mizoram a awm tih inhre chungin an ram lamah haw leh mai se Pathian a lawm zawk hmel. ILP nei lo a piang thar a nih chuan sual thu pha chawi chungin Mizoram hi chhuahsan mai se Pathian a lawm zawkin a rinawm".

Lalbiakzuala V. Pre. CYMA

"YMA hi riakmaw ianga a vahvaih dawn ai chuan he YMA Gen. Conference hi kan lo thleng ang che u kan ti a ni". **B. Laldinthara** President Jt. YMA Kawrtethawveng.

"He pawl YMA leh a hruaitute hi awm ta lo se miten engtin nge an ngaih ang... tih leh hruaitu hi awm lo zawk ta ula vawinah hian mite an thaw huai ang nge, pawi an ti ang"

Lalrinmawia Ralte MLA,
Gen. Conf. Organising Chairman.



Masangte, Kawrte hi va nuam em!!

KIDS' DEN PRESCHOOL, DAY CARE AND AFTER SCHOOL CARE

D. Engiani Building, Chatlang Venglai
LOWER PRE SCHOOL : Kum 2 atang a kum 3 latting lo inkar (10AM- 12:30PM)

PRE SCHOOL : Kum 3 chin chunglam (10AM - 12:30PM)

DAY CARE : Lower Pre School leh Pre School nileng in kan awm thei (10AM- 4:PM)

AFTER SCHOOL : School danga kal Class I- III School alamsaka Home Work lo tihpui leh a tuldang te te kanti bawk e

ADMISSION: 1st. Nov. 2012 atangin

Pick and Drop kan ti thei bawk

Principal
Ruth Vanlalthakimi Hmar,
B Sc. Nursing, Diploma in Child
(3-3) Development 8794026603

S M S

SMS thawnna tur : 9862358337.

• Kan veng atanga mi tlemte Conf kalten kan veng hming inti tha e, Khawbung lamah chuan mi 200 tal kal turin tun atang hian inbuatsaih ang u.

8794326677

• Sawhchiar kan sem hi a tha; mahse, sa ei ngai lo tan chuan eitur vang duh khawp mai.

9863350499

• Mitthi lumen zanah hian keyboard hmang ve tawh ila, a tha viau lo maw.

9604358491

SMS kan dawnte hi Editorial Board ngaihdan a ni vek kher lo.

Property Committee

• V. Section horn Upa L. Romawia inchung a mi chu remchan zawkna vangin Pu T. Lalthangfala in chungah dah san a ni.

• K. Section horn Pu S. Lalmama inchunga awm chu siamthat a ni.

• Hun rem chang hmasaah Pu T.C. Lalhmangaiha loah intihlim tum a ni.

Badminton Club

• Kolasib-a Mizoram Open Badminton Tournament khelhah an hruaitu Pu H. Zohmangaiha chu a kal.

• Naupang Coaching kalpui mek a ni a, a tuimi te tan ngaihven theih a ni.

ZAKAMLOVA COMPUTER TRAINING INSTITUTE

DAWRPUI:AIZawl

(Nokia Showroom chung)

FREE ADMISSION

Course zir theihte:

* CCA, DCA, ADCA, Hardware

* Programming Language C', C++, Visual Basic etc

* Zirlaite'n an duh hun huna an hman turin Internet a awm.

MITDELTE TAN A FREE VEKIN ZIR THEIHANI

* November thla chhunga Admission ti te tan Christmas Gift atan Monthly fee 20% Discount an ni ang Manager - 9856405229 (2-3)

CHHUNGTING MAMAWH

Puanthui khawl, Puan pan, Puan fan, Puan chhah thei turin kan siam thei e. Gas stove tha lo, herh sak, leak etc kan siam thei bawk e. Khawl (Kut khawl) chhuak hmasa chi a pan, a fan, a chhah thei tlawm te te a lei tur kan nei bawk, rawn thlang ve rawh, A mamawh tan koh theih kan ni e. Contact : LH CHAWNGTHU (3-3) 9612322639